

Why does the West praise Lebanon?

لَمَن الغرب ينفحط بلبنان،

بشو عمينفحط؟

(١) عمينفحط بالجو يلي بيشبهو،

(٢) اكيد مع النكهة المحلية الخاصة،

(٣) وبالعامل الفسيفسائي مع الجو المسلم - العربي،

(٤) وكمان بكون هالجو المسلم - العربي "open" (مطرح ما الغرب قاشع، يعني ببيروت الغربية عمليًا، عكس باقي مناطق لبنان المسلمة عمومًا، والبلاد المسلمة بالمحيط).

اذن الغرب عم ينفحط:

(١) بالجو يلي عاملينه المسيحيين، يلي هوي كنعاني (مُسَمَّى ع اسم الدولة: لبناني) للأمور يلي برّات الدين (مثل الحمص والمازا والمناقيش والجوّ عالبحورة والسهر والدبكة الخ)، بما فيه المفاهيم يلي بتشبه المفاهيم الغربية يلي صدّروها الكنعانيين (يلي الغرب سمّاهن فينيقيين) للغرب، وطبعًا عمينفحط الغرب بالجو يلي هوي جو مسيحي للأمور الدينية،

(٢) وعمينفحط، مش بالجو المسلم - العربي بحد ذاته والموجود بكثير دول، إنما بمساكنة هالجو الكنعاني - المسيحي مع الجو المسلم - العربي ببلد واحد اسمو لبنان، مع التكاذب بأنو هالمساكنة هي سلمية،

وعميسمّي هالمجموعة الكنعانية - المسلمة كلها سوا ثقافيًا "لبنانيين"، والجو يلي عاجبن "الهوية اللبنانية". ونحنا كمان عنمعمل نفس الشيء.

للحقيقة،

هالصورة يلي عملها الغرب عنّا ما اجت من جويّن حبّو بعضن وقرروا ينضمّوا لبعض سنة ١٩٢٠.

هالصورة هي نتيجة معارك وحروب لفترة ١٤٠٠ وشهدا دم وقهر وذل وفقر، خاصةً من الجانب الكنعاني - المسيحي المحاصر يلي لحد اليوم تمكن من الصمود.

وهالصورة صحيح فسيفساء، يعني الحبوب يلي مشكلي هالصورة مش دايبة ببعضها، بس بتعطي صورة من بعيد.

أما تسمية "لبنانيين"، فابتصلح للمجموعة الكنعانية - المسلمة على الصعيد القانوني الإداري لأن كلّن صاروا ببلد اسمو لبنان سنة ١٩٢٠.

ولكن يلي عمينفحط فيه الغرب من جوّ، فهو جو الكنعانيين يلي بعدنا منسمّين "مسيحية لبنان".

والاستثناء يبقى استثناء.